



Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Služba za privredu i lokalni ekonomski razvoj

Broj: 02/03-45-7503/21
Sarajevo, 04.11.2021. godine

Poziv na učešće u procesu javnih konsultacija - Strateška platforma Nacrt
Izrada Strategije razvoja Općine Novi Grad Sarajevo 2021-2027. godine

Na osnovu Zakona o principima lokalne samouprave u Federaciji BiH (Službene novine Federacije BiH, br. 49/06 i 51/09), Zakona o razvojnom planiranju i upravljanju razvojem u Federaciji BiH (Službene novine Federacije BiH, broj 32/17), Uredbe o izradi strateških dokumenata u Federaciji BiH (Službene novine Federacije BiH, broj 74/19), Statuta Općine Novi Grad Sarajevo (Službene novine Kantona Sarajevo, br. 30/09 - Novi prečišćeni tekst i 2/17) i Zaključka Općinskog načelnika br. 02/02-05-20542/19, Općinski načelnik je donio Odluku o pristupanju izradi Strategije razvoja Općine Novi Grad Sarajevo za period 2021 – 2027 (Službene novine Kantona Sarajevo broj 21/21).

Strategija razvoja je integrirani, multisektorski strateški dokument Općine Novi Grad Sarajevo koji definiše javne politike, usmjerava razvoj lokalne zajednice i strateškim ciljevima i prioritetima predstavlja pravac za sveukupni razvoj lokalne zajednice.

Nakon donošenja Odluke, imenovan je Radni tim, odnosno tematske radne grupe, odabrani su konsultanti kao ekspertska podrška u procesu izrade Strategije, nakon čega su uslijedili sastanci po tematskim radnim grupama (ekonomski i društveni razvoj i okoliš) s ciljem izrade situacione i SWOT analize, prikupljani su neophodni podaci, te redovno održavani sastanci izvršnog radnog tima.

Nakon prihvatanja Nacrta Strateške platforme od strane izvršnog radnog tima na čelu sa Općinskim načelnikom, stekli su se uslovi da se ovaj dokument dostavi u proces obaveznih javnih konsultacija. Javne konsultacije su propisane Uredbom o izradi strateških dokumenata u FBiH i podrazumijevaju uvid javnosti i zainteresovanih strana u trajanju od mjesec dana počevši od 04.11.2021. godine. a cilj provođenja je da se postigne saglasnost oko ključnih elemenata strateške platforme.

Strateška platforma se sastoji od situacione analize, SWOT matrice, strateških fokusa, vizije, strateških ciljeva i indikatora. Nacrt ovog dokumenta u naprijed navedenom periodu konsultacija dostupan je na zvaničnoj web stranici Općine Novi Grad Sarajevo za Vaše komentare, sugestije i primjedbe putem "Obrasca za komentare" koji je sastavni dio Nacrta. E-mail adresa za dostavu je anera@novigradsarajevo.ba.

DOSTAVITI:

1. Web stranica Općine
2. Lista po Smjernicama za provedbu konsultacija
3. U spis

Po ovlaštenju Općinskog načelnika
Pomoćnik Općinskog načelnika
Emir Dedović, dipl. ecc

